

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>





五經同卷



清刻龍藏佛說法變相圖

乾隆大藏經

四七六

龍藏

五經同卷

佛說延壽妙門陀羅尼經

一切如來名號陀羅尼經

佛說息除賊難陀羅尼經

佛說法身經

信佛功德經

深四

深四

佛說延壽妙門陀羅尼經

宋西天藏朝散大夫試光祿卿明教大師法賢奉 詔譯

如是我聞一時佛在摩伽陀國成正覺地金剛座大靈塔處普光明殿大菩提道場與大聲聞眾千二百五十人俱其名曰尊者舍利

子尊者大目乾連尊者大迦旃延尊者大迦
葉尊者阿難尊者羅睺羅尊者護國尊者離
婆多尊者周利盤陀伽尊者憍梵波提尊者
跋羅隨舍尊者迦留陀夷尊者阿泥嚕駄如
是等尊者皆是大阿羅漢復有無量無邊大
菩薩衆其名曰金剛幢菩薩摩訶薩金剛藏
菩薩摩訶薩金剛手菩薩摩訶薩金剛步菩
薩摩訶薩慈氏菩薩摩訶薩如是等菩薩摩
訶薩皆是賢劫中大菩薩衆爾時金剛手菩
薩摩訶薩於大衆中從座而起詣世尊前合
掌頂禮而白佛言唯願如來應正等覺當爲
利益安樂一切衆生故宣說延壽妙門陀羅
尼正法此陀羅尼正法乃與我及衆生作光
明照復爲救護使彼一切惡魔伺求便者及
諸惡等所謂惡心者瞋怒心者極惡心者罪

業心者苦惱心者不慈心者乃至天龍夜叉
乾闥婆阿脩羅迦樓羅摩睺羅伽羅刹部多
毗舍遮必隸多鳩槃荼人及非人如是等諸
惡心者皆不能侵又復刀兵毒藥一切疾病
亦不能爲害又復行住坐卧或語或默於一
切處救護安隱願爲我等宣說延壽妙門陀
羅尼何以故此陀羅尼有大威力承此威力
我於如來常深尊重承事供養及救護一切
衆生世尊我今爲諸衆生作大利益是故勸
請世尊若有善男子善女人求菩薩乘者得
此陀羅尼至心受持是人當得如來覆護或
在戰陣鬪諍疾病中夭如是等難皆不能侵
害爾時世尊即受金剛手菩薩請已讚言善
哉善哉金剛手甚善甚善金剛手汝爲利益
一切衆生至誠勸請汝今諦聽當爲汝說延

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



壽妙門陀羅尼正法金剛手若有善男子善
女人欲為受持讀誦延壽妙門陀羅尼正法
者先須持誦如來灌頂陀羅尼即說灌頂陀
羅尼曰

嚕酤沒酤一嚕割羅末尼二滿馱你三末里

左末你四末虎末虎里哥引莎引賀引

爾時世尊宣說如來灌頂陀羅尼已告金剛

手菩薩摩訶薩言此如來灌頂陀羅尼能令

衆生身器清淨然後持誦延壽妙門陀羅尼

得無障難功德成就即說延壽妙門陀羅尼

曰

怛𧄢切身他引縛日哩合二縛日哩合二縛日哩

二合縛日羅合二達哩三縛日羅合二縛帝四縛

日羅合二縛帝五縛日羅合二縛帝六作訖羅合二

達里七波哩提毗八你毗哩九毋哩割哩十

虎虎哩一十傍誡哩二毗毗三哩哩始四嚕嚕

五撈哩撈哩六祖哩七半拏哩引莎引賀引

八怛𧄢身切他曼扼你九誡誡哩尼二曼拏你

一蘇鉢囉合二曼拏你二曳引計引唧摩

摩播波哥引哩尼夜引二合悉帝合二鈇那引設

你鉢囉合二那舍你莎引賀引三摩摩薩哩縛

二播波鉢囉合二那引設你四遏哥引羅沒

哩合二怛踰合一鉢囉合二帝尸達你五薩哩縛

二設咄嚕合二你縛引羅尼六薩哩縛合二訥

莎鉢那合二鉢囉合二底尸達你七怛𧄢他引

曳引計引唧咄音半播引波哥引哩拏八悉

帝合二鈇那引設你九尾那引設你十鉢囉

二拏引設你十一滿馱你十二親那你十三

親那親那十四尾哩引彌哩十五喝怛你引

六縛哩引縛哩引七毗引彌毗彌八毗哩

毗哩九三十 頻禰頻禰十四阿波哩娑羅尼十一

左囉左囉尼十二左囉哥十三拏曳十四沒囉

二賀摩合縛引哩尼四印捺囉合縛帝四

五狄提引羅野尼六那謨引摩四引說囉

擺野你七哩始畔惹七左切八你八畔惹

你九哥引羅縛引你十部引多縛引你

你十一薩爹縛引你十二薩爹割替十三

薩摩縛帝四蘇摩鉢囉合毗引莎引賀五

五摩摩引囉引伽合喻瑟哥合路引野五

六怛𦵏他引訶囉訶囉引際引莎引賀四

引五摩摩設合鉢囉合底尸引達那路四

引九野十怛𦵏他引誡底多六鉢底多十

六十阿曳那三阿哩咎切鼻那六割十

哩合割哩合那五沒路引拏你六摩十

引哩誡合毗嚕喝七虎沙縛帝八

補沙縛帝九四哩四哩七拽他阿屹你合

七十拽他阿波蘭啣二十拽他阿婆野二十

拽他引紇哩合那野四末謨引波哩訥瑟

吒二合七薩哩縛合訥瑟吒二合七鉢囉合

底尸達那哆引野七

爾時世尊說是延壽妙門陀羅尼已告金剛

手菩薩言此延壽妙門陀羅尼乃是過去諸

佛正等正覺為利益一切衆生故常當受持

為人宣說是過去諸佛互相隨喜發誠實誓

我亦如是為欲利益一切衆生故說此陀羅

尼正法爾時世尊說是語已即於眉間放一

大人相光普照十方一切佛刹而彼佛刹皆

同一光光所照處諸佛世尊各離本土須臾

之頃悉來至此娑婆世界雲集如來說法之

處是十方佛咸皆讚言善哉善哉世尊釋迦

尊我等四王承佛神力亦欲利益安樂諸善男子善女人等隨喜宣說延壽妙門陀羅尼此陀羅尼若復有人於清旦時發至誠心依法讀誦我等四王常當擁護使無障礙令得安隱即說陀羅尼曰

怛鞞他引補瑟閉蘇補瑟閉二合度摩

波哩賀引哩阿哩也二合鉢羅二合設悉帝二合

扇引帝莽引誡羅也二合你目訖帝二合

窠覩二帝窠覩二帝莎引賀六

爾時世尊即舒妙色右臂摩大梵天王及護

世四王頂而作是言善哉善哉汝大梵王及

護世等為欲利益安樂一切衆生故及為護

持佛法善說如是陀羅尼微妙章句復次佛

告金剛手菩薩摩訶薩言若有善男子善女

人發至誠心常於清旦依法讀誦如是等延

壽妙門陀羅尼是人當得一切如來加持擁

護乃至一切天王龍王夜叉王阿脩羅王迦

樓羅王乾闥婆王緊那羅王摩睺羅伽王持

明天王乃至一切人非人等悉皆愛重於一

切處常當擁護獲得安隱佛說是經已金剛

手菩薩摩訶薩深四及諸聲聞乃至大梵護世一

切天人阿脩羅乾闥婆人非人等聞佛所說

皆大歡喜信受奉行

佛說延壽妙門陀羅尼經

一切如來名號陀羅尼經

宋王三藏明教大師法賢奉 詔譯

如是我聞一時佛在摩伽陀國法野大菩提道場初成正覺與諸菩薩摩訶薩眾八萬人俱復有八萬四千大梵天子亦在道場悉皆圍遶瞻仰世尊爾時會中有菩薩摩訶薩名觀自在從座而起偏袒右肩右膝著地合掌向佛而白佛言世尊有一切如來名號陀羅尼彼一切如來名號陀羅尼乃是莊嚴劫賢劫星宿劫中諸佛如來已說當說我今承佛威力亦為利益安樂諸眾生故樂欲宣說唯願世尊加哀覆護爾時世尊讚觀自在菩薩摩訶薩言善哉善哉觀自在汝能為利益一切眾生發大悲心如意宣說時觀自在菩薩蒙佛許已復白佛言世尊若人欲誦彼陀羅

尼先當至誠誦諸佛如來名號深四所謂寶師子

自在如來寶雲如來寶莊嚴藏如來師子大

雲如來雲師子如來須彌如來師子吼如來

師子利如來梵音如來善愛如來蓮華上如

來然燈如來蓮華生如來遜那囉如來持華

如來持寶如來法生如來日光如來日照如

來月光如來無量藏如來無量莊嚴藏如來

無量光如來蓮華藏如來天妙音如來栴枳

羅等如來如是等諸佛如來名號若人得聞

為他宣說是人六十千劫不聞惡趣之名何

況墮於阿鼻地獄時觀自在菩薩說是諸佛

如來名號已即說陀羅尼曰

怛鞞切身他引帝踰引惹左

同下那設多薩賀薩囉引尼惹咤引婆

引囉末訶吒引朗訖哩合多引馱引囉尼莎

引賀四引薩哩縛合二怛他引誡多母哩底合二多
 五馱引羅尼引莎引賀六引阿縛路吉帝引說
 羅引野莎引賀七引薩哩縛合二怛他引誡都引
 烏瑟膩合二沙八引馱引羅尼莎引賀九引薩哩縛
 二怛他引誡多婆引始多十達哩摩合二塞達
 二馱一十引馱引羅尼引莎引賀二引十薩哩縛合二
 怛他引誡多婆引始多三颯鉢多合二馱引羅
 尼莎引賀四引十鉢訥摩合二阿婆你哥野莎引
 賀五引十阿瑟吒合二摩賀引跋野馱引羅尼莎
 引賀六引十稅引多縛蘭拏合二野莎引賀十引
 七薩哩縛合二怛他引誡多那引摩馱引羅尼
 莎引賀八引十阿尸引帝鉢訥摩合二設你哥
 引野怛他引誡多馱引羅尼莎引賀九引十鉢
 訥摩合二賀悉多合二野莎引賀十引二薩哩縛
 合二滿怛羅合二馱引羅尼引莎引賀十一引二

爾時觀自在菩薩深四說是陀羅尼十已復白佛言
 世尊此一切如來名號陀羅尼若有善男子
 善女人受持讀誦思惟記念為他人說是人
 所有五無間業悉得消除命終之後生天為
 王壽八十四百千俱胝劫數然後得轉輪王
 位壽六十中劫過是劫已當得成佛名曰蓮
 華藏如來應供正等正覺爾時世尊說是經
 已八萬菩薩摩訶薩眾及八萬四千大梵天
 子聞佛所說皆大歡喜信受奉行
 一切如來名號陀羅尼經

佛說息除賊難陀羅尼經

宋三藏法師法賢奉詔譯

如是我聞一時佛在摩伽陀國與諸大衆圍遶經行到於菴羅樹園側韋提呬山帝釋巖中時尊者阿難忽見大惡賊衆遙遠而來見已生大恐怖心懷憂惱身毛皆豎時尊者阿難疾往佛所到已合掌而白佛言世尊我今遙見有大惡賊唯願世尊爲作救護爾時世尊聞尊者阿難言已告阿難言汝怖賊耶阿難白佛言甚怖世尊佛言阿難汝勿得怖我有陀羅尼能除賊難是時尊者阿難聞佛語已心生歡喜作如是言唯願世尊爲我宣說爾時世尊即說大輪結界陀羅尼曰
恒馳下同他一阿煬路哥二鉢囉路計三伊該阿提鉢底四藕引哩嘍馱引哩五贊擊哩

六摩登儼七惹虞哩八補哥細九

爾時世尊說是陀羅尼已告尊者阿難汝今可往以此陀羅尼面十二由旬當作結界令得安隱息除賊難乃至刀劍器仗等悉不能侵又復能令彼諸惡賊不離本處旋如陶家輪又復阿難若人遇賊難時當用淨白線以此陀羅尼加持七徧結作七結過難即解所有賊衆皆如禁縛不能爲難爾時世尊說是經已尊者阿難及諸大衆聞佛所說皆大歡喜信受奉行

佛說息除賊難陀羅尼經

佛說法身經

宋三藏法師法賢奉詔譯

爾時世尊於大眾中以微妙音作如是言諸佛如來有二種身皆具河沙功德何等爲二所謂化身法身而化身者示從父母所生具三十二相八十種好莊嚴其身以智慧眼普觀衆生智者瞻仰心生適悅三業清淨一一相好百福具足如是莊嚴百千福聚大丈夫相皆色蘊攝又復具足十力四無所畏三不空法三念住法三不護法四無量法具大丈夫一一最勝那羅延力如是略說十二如來應供正等正覺莊嚴功德具足圓滿是名化身又復諸佛如來應供正等正覺所有法身不可思議不可稱量而無有人能廣宣說假使緣覺及諸聲聞舍利弗等最上利根善解深法

大智明達了種種義而亦不能廣大宣說法身功德諸佛如來爲三界師是大悲者爲諸衆生作大利益平等護念無所分別住奢摩他毗鉢舍那而復善解三調伏法善度四難具四神足而於長夜行四攝法離於五欲超五趣苦具六分法圓滿六波羅蜜開七覺花演八正道善解九種三摩鉢底具十智力以此智力名聞十方是故稱爲第一義天於十方處晝三夜三常善觀察如是諸佛內功德法無有能者而爲廣說是故我今略說此法是法身者純一無二無漏無爲應當修證諸有爲法從無爲生如是真實無淨無染無念無依離諸方便而與衆生作大依止一切衆生所作行法無諸過失是真善法離諸記念於無邊三摩地門不動不搖而得解脫以二

種奢摩他毗鉢舍那於欲離欲而得解脫無明欲法以慧解脫學無學法以念了知以明解脫善達自性而於諸法深能繫念善以阿鉢底而生阿鉢底法善以三摩鉢底而生三摩鉢底法於一切法無求無證離此二法即無所緣復無所修而以盡智及無生智畢竟成就三究竟法三善根法三方便門離諸妄想得真實生了三種慧謂聞思修離三雜染謂煩惱業若有三種三摩地謂空無相無願復名三解脫門即空無相無願解脫門三種蘊法謂戒定慧蘊三種學法謂戒定慧學有三種修謂戒修定修慧修有學無學非有學非無學有三種道謂見道修道無學道有三種根謂未知根已知根具知根有三種行法謂聖行天行梵行有三分別謂蘊處界了三

法已獲大福聚證得解脫寂靜涅槃三不空念住如來於諸衆生平等覆護三種蘊法有三補特伽羅謂上中下諸佛如來具三種大悲謂無緣大悲微妙大悲為一切衆生大悲有三種自在謂身自在世自在法自在有三不護法謂諸如來身業清淨離不淨法口業清淨離不淨法意業清淨離不淨法有三種劔謂聞劔思劔修劔有三種最上謂定最上慧最上解脫最上有三種界法謂正斷離欲寂滅復有三界謂欲界色界無色界有三種無學明謂過去宿命明未來天眼明現在漏盡明有三種無為法謂諸行無常諸法無我涅槃寂靜有三種菩提謂聲聞菩提緣覺菩提無上菩提有三種無學智謂盡智無生智正見智三寶三歸三最上智四念處四正斷

四神足四信心法四解脫句有四種善法謂

深四

十四

第一義善自性善發起善相應善四種修法

四種智法四聖諦法四禪定四輪藏四法四

依止謂親近善友聽聞正法繫念思惟如理

修行復有四緣謂因緣等無間緣增上緣所

緣緣四加行位謂煖位頂位忍位世第一位

有四種道謂方便道無間道解脫道最勝道

四沙門果四種聖族有四無量心謂慈悲喜

捨復有四生四聖住四記念四威儀有四出

生門謂出入寂靜正覺復有四證位有學五

蘊五解脫處五度生法五聖智想有五三摩

地分謂正斷分調伏分離過分離相分離性

分復有五種最上分五現行三摩鉢底五蘊

五界復五取蘊六功德法六通六念復六種

法五種離欲六種修法六見道位六相續行

六證明想七補特伽羅七大丈夫行七識住

七覺支七無過失法七三摩地受用法七種

妙法十種界分七善解處七種修道八正道

分八種補特伽羅八種別解脫戒復八解脫

八處八智八道八戒八會及八種世法如來

深四

十五

相續真常精進清淨無所染著復有九種過

去三摩鉢底九信心法九證得法九名色滅

九衆生住九種依法九無漏地九修道地十

種補特伽羅謂四向四果第九緣覺第十正

等正覺十大地善法十種有學法十如來力

十善業道十惡業道十種聖住十如理作法

十一功德相好思念法十一種起善解智具

足法十一種具足戒法十二種出生言辭十

二處十二緣十二剎那會證得聖法十三喜

法十三出生法十三作業地十四種化心十

五心見道十六心正念十七種相有學十七樂欲相十八界十八不共法十九分別地二十二根三十七菩提分法謂四念處四正斷四神足五根五力七覺支八正道四十四智法復七十七智法百六十二道是謂修地如是等無量無邊相續真常之法離諸煩惱甚深廣大微妙難思是大智者如實了知而此佛法乃是殊伽沙數正等正覺殊妙之法是平等法若有求證正等覺智諸苾芻苾芻尼優婆塞優婆夷及諸外道尼乾子等具正智者如實了知復爲衆生廣大宣說如佛所化令無量無邊阿僧祇衆生悉皆證得寂靜無畏究竟涅槃

佛說法身經

信佛功德經

宋西天三藏朝散大夫試光祿卿明教大師法賢奉詔譯

如是我聞一時佛在阿拏迦城菴羅園中與大衆俱爾時尊者舍利弗食時著衣持鉢入阿拏迦城於其城中次第乞已復還本處收

深四

十六

衣洗足敷座而食飯食訖已往詣佛所頭面禮足於一面立合掌向佛而作是言世尊我今於佛深起信心何以故謂佛神通最勝無比所有過現未來沙門婆羅門等尚無有能知佛神通況復過者豈能證於無上菩提佛言善哉善哉舍利弗汝能善說甚深廣義汝當受持於大衆中作師子吼廣爲宣說舍利弗復白佛言世尊我今於佛所起信心乃爲過去未來現在無有能者亦無沙門婆羅門等知於佛通過於佛者豈能證於無上菩提

佛告舍利弗於意云何所有三世諸佛如來應供正等正覺具清淨戒智慧解脫神通妙行我以通力皆悉了知彼諸如來應供正等正覺亦復如是知我所有具清淨戒智慧解脫神通妙行舍利弗汝勿謂今釋迦牟尼佛獨具此通舍利弗言不也世尊我不作是言唯佛具此神通我知三世如來應供正等正覺清淨戒法智慧解脫神通妙行皆悉同等佛言舍利弗如是如是所有三世諸佛如來正等正覺皆悉具此神通等法汝但爲彼衆生宣布如是甚深之法一心受持於大衆中作師子吼而爲廣說舍利弗白佛言世尊我佛宣說廣大甚深最勝妙法乃至善不善業及諸緣生法我皆如實一一了知了一法已復修一法修一法已復滅一法滅一法已復

深四

十七

證一法是故我今於佛起信是真正等正覺
佛告舍利弗汝今往問餘人過去世中可有
沙門婆羅門而能了知真實通力等過佛者
乃至成佛菩提汝當往問彼作何答復次舍
利弗汝復往彼問於餘人未來世中可有沙
門婆羅門與佛等者乃至成佛菩提汝當往
問彼作何答復次舍利弗汝可往彼復問餘
人現在世中可有沙門婆羅門與佛等者乃
至成佛菩提復次舍利弗又復往彼問於餘
人所有過去未來現在世中沙門婆羅門等
歸依何人汝當往問彼作何答爾時舍利弗
白佛言世尊是義不然我從佛聞記念受持
無有二佛並出於世唯佛世尊是真正等正
覺是正徧知者具足最上神通之力世尊我
不見有沙門婆羅門而能知此通力況復過

於佛者乃至成佛菩提爾時舍利弗復白佛
言我見世尊有種種最勝之法最勝法者謂
佛世尊當說法時所得善利佛悉能知若有
沙門婆羅門等住於山野樹下塚間及在空
舍入三摩地斷諸煩惱修習圓滿增益善法
正心記念又彼沙門婆羅門等斷諸惡法而
修善法乃至證得果位如是等法佛悉能知
是即名爲佛最勝法無有沙門婆羅門知此
通力過於佛者乃至成佛菩提復次我佛世
尊具最勝法深四謂佛世尊善能分別十二處法
及能爲他廣大宣說無有沙門婆羅門能了
知此十二處法及能分別十二處者所謂眼
處色處耳處聲處鼻處香處舌處味處身處
觸處意處法處如是等法唯佛世尊悉能了
知是即名爲佛最勝法無有沙門婆羅門等

過於佛者乃至成佛菩提復次我佛世尊有最勝法謂佛世尊善能了知補特伽羅法理及爲他說無有沙門婆羅門等知如是法及爲他說補特伽羅法者而有七種所謂隨信行隨法行信解見至身證慧解脫俱解脫如是七種補特伽羅最上之法唯佛世尊悉能了知是即名爲佛最勝法復次我佛世尊有最勝法謂佛世尊出真實語無有虛妄亦無綺語而不兩舌所出言辭是真大利是最勝法有因有緣能於大衆中出微妙音說甚深義如是最上真實之法唯佛世尊悉能了知是即名爲佛最勝法復次我佛世尊有最勝法謂佛世尊以三摩鉢底觀有漏身不淨可惡所謂身分上下髮毛爪齒皮肉筋骨如是等種種不淨之物充滿其身佛悉能知是不

究竟是可厭離此名第一三摩鉢底復次世尊若有沙門婆羅門等於身上下所有皮肉骨髓諸臭穢等有漏不淨能以智慧如實觀者是爲第二三摩鉢底復次世尊若有沙門以智慧觀有漏身盡此一世而不究竟若能如是觀者是爲第三三摩鉢底復次世尊若有沙門能以智慧觀有漏身今世不究竟乃至後世亦不究竟若能如是觀者是爲第四三摩鉢底復次世尊若有沙門能以智慧如前觀察有漏之身今世後世皆不究竟乃至後後世亦不究竟不淨可惡若能如是觀者是爲第五三摩鉢底復次世尊如有有漏不淨不究竟法唯佛世尊以清淨天眼過於肉眼悉見衆生生滅好醜善趣惡趣乃至生於天界皆如實知是即名爲佛最勝法復次我

佛世尊有最上勝法謂世尊說法時若有沙門婆羅門歸向聽受求寂靜者彼皆依止七覺分七覺分者謂擇法覺分精進覺分喜覺分輕安覺分捨覺分念覺分定覺分如是七法唯佛世尊悉能了知是即名為佛最勝法復次我佛世尊有最勝法謂善分別四正勤法四正勤者謂已作惡令斷未作惡令止已作善令增長未作善令發生如是等法於天上人間廣大宣說而作利益是即名為佛最勝法復次我佛世尊有最勝法謂佛世尊能以正智現大神通其神通者謂從一現多攝多為一或現空無所有或現城隍山石隨身而去或現從地以手捫摸虛空乃至梵界或現履水如地或現空中跏趺而坐或現行相譬如日月行於虛空如是神通若有沙門婆

羅門等見此深明通力生不信者我二十說彼等皆是愚迷凡夫彼非聖者彼不具通不求正覺亦不樂求寂靜涅槃而此通力是即名為佛最勝法復次世尊世間所欲喜色善色等有所求者如來為彼衆生隨根而行是即名為如來神通復次世尊世間所有喜不喜色善不善色彼二俱離捨而不住善知宿命是即名為如來神通復次世尊色中見色是即名為如來神通復次世尊內無色想見諸外色是即名為如來神通復次世尊身善解脫證得行住是即名為如來神通復次世尊空無邊處決定證得是即名為如來神通復次世尊識無邊處決定證得是即名為如來神通復次世尊無所有處決定證得是即名為如來神通復次世尊非想非非想處決定證得是

即名為如來神通復次世尊了知受想受想滅已即是即名為如來神通如是等最勝神通境界唯佛世尊悉能了知是即名為佛神通力復次我佛世尊有最勝法謂沙門婆羅門等所有過去一生多生所作因緣果報思念等事乃至壽量我於俱胝歲數而不能知唯佛世尊知彼沙門婆羅門於過去時中處處所止或色界中或無色界中或有想處或無想處或非有想非無想處彼種種所作因緣果報等事悉能了知是即名為佛最勝法復次我佛世尊有最勝法謂世尊說法時皆如實說或有沙門婆羅門等以愚癡故生彼此意起疑惑心謂佛說法皆以事相言說所說之法三世同說若近若遠及心意法亦如是說彼所說法皆不如實作是疑者佛悉能知

是則名為佛最勝法復次我佛世尊說法時若有沙門婆羅門自不生疑後聞人言佛所說法皆不如實聞是言已便復起疑亦謂世尊以事相言說起是謗者佛亦能知是即名為佛最勝法復次我佛世尊說法時若沙門婆羅門等本不生疑不謂世尊事相言說後聞人言隨彼生疑而復告語他人令他亦生疑惑由疑惑故生彼此意作如是言此事如前皆非真實此是衆生種種異心佛於如是皆悉了知是即名為佛最勝法復次我佛世尊見有沙門在三摩地無疑無說佛悉能知彼之行願又復或見沙門從定而出佛亦能知彼所有事及有疑惑故彼出定如是疑惑佛皆決了是即名為佛最勝法復次我佛世尊有最勝法謂佛世尊善能了知諸不究竟

法若有沙門婆羅門在於山中住等引心以自通力知二十增減劫事彼作是念我於過去世中所有增減劫事我悉能知世尊彼沙門婆羅門而於未來及今現在增減等事而不能知唯佛世尊具知三世增減等事是名深四了知第一不究竟法復次世尊若有沙門婆羅門等止於深山住等引心以自通力知四十增減劫事彼作是念未來世中所有增減我已悉知世尊彼沙門婆羅門而不知彼過去現在增減劫事唯佛世尊具知三世是名三二了知第二不究竟法復次世尊若有沙門婆羅門等在於深山住等引心以自通力知八十增減劫事彼作是念所有過去未來增減等事我悉能知世尊彼沙門婆羅門唯今現世所有邊際而不能知唯佛世尊一一了知

三世邊際是即名爲了知第三不究竟法如是世尊以清淨天眼過於肉眼悉見衆生滅之法乃至生於天界是即名爲佛最勝法復次我佛世尊有最勝法謂佛世尊以調伏法了知諸補特伽羅心所樂法隨應爲說是補特伽羅既了知已如理修行斷三煩惱不久證於須陀洹果逆生死流七往天上七來人間盡苦邊際如是世尊皆悉了知又復世尊知彼補特伽羅意樂之法如理修行斷三煩惱及斷貪瞋癡不久證於斯陀舍果一來人間盡苦邊際如是世尊悉皆了知又復世尊善知補特伽羅意樂之法如理修行斷五煩惱及隨煩惱不久證於阿那舍果如是世尊悉皆了知又復世尊善知補特伽羅如理修行非久漏盡證解脫法我生已盡梵行已

立所作已辦不受後有如是等法世尊一一皆悉了知是即名為佛最勝法復次我佛世尊有最勝法謂佛世尊善能了知四種胎藏一者不知入胎亦復不知住出二者有知入胎不知住出三者有知入住不知出胎四者有入住出皆悉了知如是四種知有差別唯佛世尊一一了知是即名為佛最勝法復次我佛世尊有最勝法謂佛世尊善能了知諸補特伽羅隨所斷障而證聖果如是等法佛悉了知是即名為佛最勝法復次我佛世尊有最勝法謂佛世尊了知有人已具信根戒行清淨智慧具足真實無妄無我無懈無諸幻惑亦無散亂亦不貪欲不以邪道引示眾生常行正念如是等法唯佛世尊悉能了知是即名為佛最勝法爾時舍利弗復白佛言

世尊世間所有愚癡凡夫貪諸欲樂勞苦已身求無義利諸佛如來於此不然唯樂利他非求自樂善了心法見法寂靜住安樂句無欲無苦得四禪定是故世尊若有上根善男子等當如是見當如是聞當如是覺當如是知是即名為真上根者爾時會中有一尊者名曰龍護手執寶拂侍立佛側時尊者龍護白佛言世尊我見諸邪外道尼乾子等於佛世尊先不起信唯於邪道競說勝能是故我今建立表利宣示於世咸使聞知佛勝功德深四我佛世尊是大丈夫最尊最上無有等者爾時世尊告尊者龍護言汝莫作是說莫宣示他人佛勝功德我今不欲如是稱揚於是尊者龍護讚世尊言善哉善哉是真正等正覺爾時佛告尊者舍利弗汝當善以如是正法

廣為苾芻苾芻尼優婆塞優婆夷及諸沙門
婆羅門流布宣說乃至諸魔外道尼乾子等
所有邪見不信佛者聞此正法令起深信歸
向於佛而生正見了知正法又復告言汝舍
利弗應當如是流布宣說爾時世尊謂尊者
舍利弗言已默然而住於是尊者舍利弗承
佛威力說是法已禮佛而退時諸會眾得聞
正法歡喜作禮信受奉行

信佛功德經

音釋

撻子末切 煬餘亮切 兢梵語也此云天 捫莫奔切 摸莫奔切 鍍亡范切

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>

